

Weh Wi Ga Fi Seh

Kip op yu helt! Stay
pahn di lukowt!

Hapi 41^s Bertday, Bileez!

Yes, Bileez yong!
Yes, Bileez schrang!
Ahn, yes, wi ku du beta.
Laik eniting, nobadi perfek
Nat eevn wahn konchri.

Bot disya tweni-fos Septemba
Mee deh rait ya di sata
Hapi fi reech siksti-too
Afta COVID (wel, ih stil deh rong, memba!)
Afta nof gud gud GUD fren ahn faamli ahn famili ahn kompni
Wayk op ded eena dehnya paas lee yaaz.

So, wid mi bertday eena sayhn mont
Wid wi preshos Bileez,
Mee dehn rait ya di prayz Faada Gaad/Mada Gaad
Fi dis day weh Hihn/Shee mek.

Ahn dis 2022, Bileez ton faati-wan.
Mee soh prourd fi-mi dehdeh
Wen di Yoonyan Jak mi kohn dong
Bak eena 1981, midnait fi greet Septemba 21.
Da-mi bai Koathows Waaf eena Bileez Siti.
Ah memba seh Ah mi geh koalseed anaal.

tweni-fos *num.* twenty-first. **Bileez Indipendans Day da di tweni-fos a Septemba.** Belize's Independence Day is the twenty-first of September.

Hapi 41^s bertday, wi preshos Bileez!

Silvaana Udz, Ed.D da fahn Bileez. If yu waahn tel shee bowt sohnting sheshal fu put eena dis Kriol
aatikl, eemayl: sudz142@gmail.com **Vizit:** www.nationalkriolcouncil.org